



Ørsta kommune
Dalevegen 6
6153 ØRSTA

Saksbehandlar, innvalstelefon
Tone Helen Rørseth, 71 25 84 17

Stimuleringstilskot til veterinærdekning for 2025

Vi viser til rundskriv 2024-40 frå Landbruksdirektoratet og informerer om at kommunar kan søkje om stimuleringstilskot til veterinærdekning for 2025. Viser også til søkarretteleiinga «Stimuleringstilskudd til veterinærdekning» på Landbruksdirektoratet sine nettsider, og brukarretteleiinga til saksbehandling i Agros under «Dokumenter»

Vi gjer kommunane spesielt merksame på følgjande for 2025:

- Frå 2024 vart det innført ei permanent ordning for kommunar som har hatt utfordringar med å få nok veterinærar til å delta i klinisk veterinæravakt utanom ordinær arbeidstid. Dei har kunna sett vilkår om vakt deltaking for at veterinærane skal kunne motta stimuleringstilskot.
- Statsforvalteren i Møre og Romsdal ber om litt meir utfyllande opplysningar i søknad/rapportering enn tidlegare år.
- Denne ordninga vil i 2025 bli ein del av Statsforvaltaren sin forvaltningskontroll av kommunane. Nokre av kommunane vil bli trekt ut og webinar vil bli tilbydd alle kommunane.

Stortinget har løyvd 36,727 millionar kroner i stimuleringstilskot til veterinærdekning for 2025, der Møre og Romsdal fylke er tildelt 3.585.000 kroner. Statsforvaltaren i Møre og Romsdal gjer vedtak om tildeling av midlane etter handsaming av søknadar frå kommunane, i tråd med føringar frå Landbruksdirektoratet. Kommunane utlyser tilskot med søknadsfrist for veterinærforetak i kommunane, og gjer enkeltvedtak etter forvaltningslova om tilskot til veterinærforetak.

Føremålet med stimuleringstilskotet er å medverke til å sikre tilfredsstillande tilgang på tenester frå dyrehelsepersonell i næringssvake område, og er viktig for å medverke til veterinærtenester på dagtid. Næringssvake område er område der etterspørselen etter dyrehelsetenester, og dermed innteningsgrunnlaget for veterinærar, ikkje er stort nok til etablering av ein berekraftig veterinærpraksis.



Utfordringar med å få nok veterinærar til å delta på klinisk veterinærvakt utanom arbeidstid

Kommunar som har utfordringar med å få nok veterinærar til å delta på klinisk veterinærvakt utanom ordinær arbeidstid, kan stille krav om vakttdeltaking for at veterinærane skal kunne motta stimuleringsstilskot. Føresetnaden for å kunne stille krav er at kommunen sin bruk av midlar over ordninga er i tråd med formålet med stimuleringsstilskotet, som er å bidra til å sikre tilfredsstillande tilgang på tenester frå dyrehelsepersonell på dagtid.

Kommunar som stilte krav om vakttdeltaking for å motta stimuleringsstilskot i 2024, skal rapportere særskilt om dette til Statsforvaltaren ved den årlege rapporteringa om bruken av midlane.

Utlysing av ordninga i kommunane

Kommunar som ønsker å søke om stimuleringsstilskot vert oppfordra til å lyse ut midlane på ein hensiktsmessig måte, og sette ein frist til veterinærforetak for å søke. Kommunen må gjere ordninga kjent for alle veterinærar som arbeider eller bur i området søknaden gjeld for, slik at alle veterinærar får same mogelegheita til å søke.

Søknadsfristen må vere så tidleg at kommunen rekk å gå gjennom søknadane før kommunen skal søke om midlar frå Statsforvaltaren. Søknadane frå veterinærforetaka vil gi kommunen kunnskap om kva tiltak dei bør søkje om stimuleringsstilskot til, og kor mykje tilskotsmidlar de treng. Vi oppmodar kommunane om å ha god dialog med veterinærane for å finne gode tiltaka for tilfredsstillande tilgang på veterinærtenester.

Det finnst ikkje eige søknadsskjema som veterinærforetak kan nytte for å søkje om stimuleringsstilskot frå kommunen. Grunngeven søknad må sendast til kommunen på e-post eller per brev innan fristen som kommunen har fastsett.

Kven kan søkje stimuleringsstilskot frå Statsforvaltaren

Alle kommunar og vaktdistrikt i Møre og Romsdal kan søkje om midlar til stimuleringsstilskot frå Statsforvalteren i Møre og Romsdal. Det er administrasjonskommunen som søker på vegne av vaktdistriktet, om heile vaktdistriktet søker i lag.

Søknad og søknadsfrist hos Statsforvaltaren

Søknad frå kommunar til Statsforvalteren skal skje elektronisk via Altinn, og frist for å søkje er **20. februar 2025**.

Statsforvaltaren handsamar og sender ut vedtaksbrev elektronisk via Agros. For nærare rettleiing om elektronisk søknad, sjå vedlagte kopi av rundskriv 2024-40. Søknadsskjemaet finn de på Altinn: <https://info.altinn.no/skjemaoversikt/landbruksdirektoratet/stimuleringsstilskudd-til-veterinardekning/>

Føringar og prioriteringar for tildeling

Rundskriv 2024-40 legg føringar for kva vurderingar Statsforvaltaren skal leggje til grunn for løyving:

Landbruksdirektoratet listar opp dei viktigaste kriteria for prioritering av søknadane i rundskrivet:

- a) «Kommuner med dårlig næringsgrunnlag for veterinærer skal prioriteres.
- b) Lavt dyretall og krevende infrastruktur bør være blant kriteriene for tildeling av tilskudd.
- c) At stimulerings tiltaket er hensiktsmessig for å bidra til å sikre tilfredsstillende tilgang på tjenester fra dyrehelsepersonell, vil være relevant å tillegge vekt.
- d) At det er vanskelig å rekruttere og beholde veterinær vil være relevant å tillegge vekt.



- e) De mest aktuelle stimulerings tiltakene er etableringsstøtte, driftsstøtte samt å opprette kommunale veterinærstillinger hvor den ansatte også kan bidra til å løse ulike oppgaver i kommunen hvor veterinærens kompetanse kommer til anvendelse. Også andre stimulerings tiltak kan være aktuelle.»

Landbruksdirektoratet har utarbeidd eit hjelpemiddel som også vert nytta i lag med kriteria og våre vurderingar av søknadane. Dette hjelpemiddelet er eit rekneark som syner tal dyr per kommune, vekta etter antatt innteningsgrunnlag for veterinærane etter dyreslag.

Statsforvalteren ber kommunane i søknaden skildre godt situasjonen i sin kommune/vaktdistrikt. Store delar av Møre og Romsdal har utfordringar med å sikre tilfredsstillande tilgang på tenester frå dyrehelsepersonell, og store delar av fylket er dermed i kategorien næringssvake område. Dette gjer arbeidet med å fordele stimuleringsstilskotet vanskeleg.

Hjelp oss ved å skildre det særeigne akkurat no i dykkar kommune/vaktdistrikt. Tilskotsramma for fylket samla er ikkje stor nok til å dekkje alle søknadar frå kommunane, så Statsforvaltaren er nøydd å gjere prioriteringar ved tildeling. Utfordring med å rekruttere og halde på veterinærar vil bli lagt mest vekt på, samt område med infrastruktur som gjer det vanskeleg å sikre tilfredsstillande tilgang på dyrehelsepersonell.

Utfordringane i kommunane med å sikre tilgang på dyrehelsepersonell har gradvis blitt større dei seinare åra, og det kan oppstå fleire situasjonar med mangel på veterinærdekning om veterinærar flytter eller pensjonerer seg. Det er også ofte periodevis eller varige endringar i infrastruktur som kan gi problem med veterinærdekning. Dette fører til at søknadssummane vil variere over tid, og for å bøte på lokale akutte utfordringar vil dermed fordelinga av tilskot til kommunane ikkje vere stabil frå år til år. Statsforvaltaren er difor avhengig av å få ei god skildring av situasjonen og utfordringane i kvar enkelt kommune/vaktdistrikt.

Vedtak om stimuleringsstilskot gjeld for det kalenderåret tilskotet er løyvd for. Enkelte av stimulerings tiltaka det blir søkt midlar til kan vere av ein slik karakter at dei går over fleire år enn tilskotsåret. Statsforvalteren skal ikkje tildele eller gi tilsegn om midlar som gjeld for fleire år enn tilskotsåret.

Stimuleringsstilskot kan ikkje nyttast til finansiering av andre ordningar som får øyremerka støtte over statsbudsjettet eller jordbruksoppgjeret. Det er for eksempel ikkje anledning til å nytte tilskotet til vederlag for klinisk veterinærvakt utanom ordinær arbeidstid eller til å dekke kostnader ved veterinærreiser.

Fordeling vidare av stimuleringsstilskot i kommunane

For å oppnå best effekt av midlane lokalt, må kommunen sjå søknadar dei har motteke opp mot kvarandre og vurdere dei samla, før søknadane blir prioritert for løyving. Kommunen kan bruke lokalt skjønn i si vurdering så lenge dette ikkje er i strid med vilkåra for stimuleringsstilskot.

Kommunen kan tildele stimuleringsstilskot til veterinærar som har søkt om midlar etter fristen kommunen har sett, viss søknaden er motteke før kommunen har fordelt stimuleringsstilskotet.



Kontroll

Statsforvaltaren kan føre kontroll med at midlane er brukt i tråd med vilkåra for tildelinga, jf. bevilgningsreglementet § 10 andre ledd. Ved kontroll pliktar tilskotsmottakar å gi Statsforvalteren nødvendige opplysningar og dokument.

Vedtak og utbetaling til kommunane

Vedtak og utbetaling av stimuleringstilskot til veterinærdekning til kommunane skal skje i Agros.

Vedtaksbrevet blir automatisk sendt til Altinn-postboksen til kommunen når vedtaket blir godkjent. Tilskotet blir samtidig sendt til utbetaling. Det kan likevel gå inntil fem dagar før kommunen får pengane på sin bankkonto.

Midlar som kommunen ikkje har brukt opp i kalenderåret dei er løyvd for, må Statsforvaltaren dra inn. Viss kommunen ikkje har brukt midlane i samsvar med vilkåra for å motta stimuleringstilskot, kan Statsforvaltaren vurdere å krevje heile eller deler av tilskotet tilbake.

Klage

Vedtak om løyving av stimuleringstilskot frå Statsforvaltar til kommunar er ikkje enkeltvedtak etter forvaltningslova. Kommunane har derfor ikkje rett til å klage på vedtak om stimuleringstilskot.

Kommunen sitt vedtak om å løyve stimuleringstilskot vidare er derimot enkeltvedtak etter forvaltningslova med klagerett. Statsforvalteren er klageinstans. Kommunen må vurdere ei evt. klagesak på nytt, og kan enten gjere om vedtaket, eller sende det til klageinstansen Statsforvaltaren for endeleg avgjerd.

Klagefristen er tre veker, jf. forvaltningslova §29. Søkjar kan be om å få sjå dokumenta i saka, jf. forvaltningslova § 18 og § 19.

Om rapportering av midlar tildelt i 2024

Rapportering av midlar som vart tildelt i 2024, skal rapporterast til Statsforvaltaren når de søker om nye midlar i Altinn. Dei kommunane som ikkje søker om midlar, men som skal rapportere på tildeling for 2024 må sende rapporten direkte i e-post til Statsforvaltaren i Møre og Romsdal: sfmrpost@statsforvalteren.no

Krav til rapportering for bruk av midlar i 2024

1. Ei vurdering av tilgangen på tenester frå dyrehelsepersonell i dei ulike kommunane/vaktdistrikta.
2. Alle tiltaka kommunen har brukt midlane på.
3. Beløp per tiltak.
4. Eventuelle endringar frå planen kommunen oppga i søknaden.
5. Grunngeving for eventuelle endringar.
6. Effekten av gjennomførte tiltak.
7. Beløp som ikkje er utbetalt.
8. Kommunen si eiga finansiering av veterinærtenester ved sida av stimulerings-, vakt- og administrasjonstilskot til veterinærdekning frå staten.
9. Om de har nytta ordninga med å stille krav om vaktdeltaking for å motta stimuleringstilskot i føregåande tilskotsår - viss ja, skal de beskrive erfaring med ordninga.



Kommunane kan sjølv sette krav til rapportering i vedtaksbrevet for tilskot dei har løyvd til veterinærforetak. Det vil vere hensiktsmessig å be om rapportering på dei opplysningane som kommunen skal rapportere vidare til Statsforvalteren.

Med helsing

Brit Kari Eidseflot Hauger (e.f.)
underdirektør

Tone Helen Rørseth
førstekonsulent

Dokumentet er elektronisk godkjent

**Mottakere:**

Aure kommune	Postboks 33	6689	AURE
Aukra kommune	Kommunehuset Nyjordvegen 12	6480	AUKRA
Haram kommune	Postboks 33	6282	BRATTVÅG
Vanylven kommune	Rådhusvegen 1	6143	FISKÅ
Sande kommune	Rønnebergplassen 17	6084	LARSNES
Herøy kommune	Postboks 274	6099	FOSNAVÅG
Ulstein kommune	Postboks 143	6067	ULSTEINVIK
Hareid kommune	Rådhusplassen 5	6060	HAREID
Ørsta kommune	Dalevegen 6	6153	ØRSTA
Stranda kommune	Øyna 13	6200	STRANDA
Sykkylven kommune	Kyrkjevegen 62	6230	SYKKYLVEN
Sula kommune	Postboks 280	6039	LANGEVÅG
Giske kommune	Valderhaug 4	6050	VALDERØY
Vestnes kommune	Rådhuset Brugata 10	6390	VESTNES
Rauma kommune	Vollan 8 A	6300	ÅNDALSNES
Averøy kommune	Postboks 152, Bruhagen	6538	AVERØY
Gjemnes kommune	Nordmørsvegen 24	6631	BATNFJORDSØRA
Tingvoll kommune	Midtvågvegen 2	6630	TINGVOLL
Sunndal kommune	Postboks 94	6601	SUNNDALSØRA
Surnadal kommune	Bårdshaugvegen 1	6650	SURNADAL
Smøla kommune	Postboks 34	6571	SMØLA
Kristiansund kommune	Postboks 178	6501	KRISTIANSUND N
Molde kommune	Rådhusplassen 1	6413	MOLDE
Hustadvika kommune	Tingplassen 1	6440	ELNESVÅGEN
Volda kommune	Stormyra 2	6100	VOLDA
Fjord kommune	Postboks 144	6211	VALLDAL
Ålesund kommune	Postboks 1521	6025	ÅLESUND